



列傳卷第五

宋史二百四十六



閔僖魯晉上齊魯國事書前書君丞相權國更相繼進事都畿統朕躬奉

宗室三

吳王頴

益王頴

吳王佖

燕王佖

楚王佖

獻愍太子茂

鄆王楷

肅王樞

景王杞

濟王栩

徐王棟

沂王栲

和王祐

信王榛

太子諶弟訓

元懿太子惠信王瑛

莊文太子楷

宋史三百四十八

列傳卷第五

陽

惠

寫

魏王愷

景獻太子詢

鎮王斌

英宗四子長神宗次吳榮王顥次潤王頊次益端獻
王頊皆宣仁聖烈高皇后出也頊早亡徽宗賜名追
封

吳榮王顥字仲明初名仲紘自右內率府副率為和
州防禦使封安樂郡公轉明州觀察使進和國公治
平元年加檢校太傅保寧軍節度使同中書門下平
章事封東陽郡王三年出閣神宗立進封昌王官制
行冊拜司空徙王雍哲宗嗣位加太保換成德橫海
二鎮徙封揚王賜贊拜不名五日一謁禁中帝致恭

如家人禮神宗祔廟拜太傅移鎮京兆鳳翔自熙寧
以來顥屢請居外章上輒卻至元祐初乃賜感宜坊
第一區榜曰親賢與弟顥對即車駕偕三宮臨幸留
宴終日拜太尉諸子皆命賜官制曰先皇帝篤兄弟
之好以恩勝義不許二叔出居于外蓋武王待周公
之意太皇太后嚴朝廷之禮以義制恩始從其請出
就外宅得孔子遠其子之意二聖不同同歸于道皆
可以為萬世法朕承侍兩宮按行新第顧瞻懷思潛
然出涕昔漢明帝問東平在王家何以為樂王言為
善最樂帝大其言因送列侯印十九枚諸子五歲以

上悉佩之著之簡策天下不以為私今王諸子性于忠孝漸于禮義自勝衣以上頎然皆有成人之風朕甚嘉之其各進一官以助其為善之樂尚勉之哉母忝父祖以為邦家光徙封徐王詔書不名宣仁有疾顥旦旦入問因亦被病宣仁祔廟拜太師徙王冀賜入朝不趨改淮南荆南節度使徙封楚王病益篤帝親拔醫視診令晝夜具起居狀聞小愈則喜既而薨年四十七帝即臨哭輟朝五日成服苑中贈尚書令兼中書令揚荆冀三州牧燕王謚曰榮陪塋永厚陵徽宗即位改封吳王顥天資穎異尤嗜學始就外傳

每一經終即遺講讀官以器幣服馬工飛白善射好圖書博求善本神宗嘉其志尚每得異書亟馳使以示嘗賜方團玉帶俾服而朝顥辭乃為製玉魚以別之是後親王遂踵為故實初居英宗喪丐解官終制以厭於至尊不克遂服慈聖光獻太后之服易月當除顥曰身為孫而情文缺然若是可乎請如心喪禮須上禫除即吉詔可子孝騫嗣終寧國軍節度使晉康郡王孝錫終嘉州團練使贈永國公

益端獻王頊初名冲格封大寧郡公進鄴國公樂安郡王嘉王所歷官賜略與兄顥同更武勝山南西保

信保靜武昌武安武寧鎮海成德荆南十節度徙王
曹荆位至太尉元祐三年七月薨年三十三贈太師
尚書令荆徐二州牧魏王諡端獻徽宗改封益王頹
端重明粹少好學長諱壽工飛白篆籀賓接官
僚歲滿當去輒奏留之者至十餘年頗好醫書手著
普惠集効方且儲藥以救病者子九人孝哲右驍衛
將軍早亡孝奕彰化軍節度觀察留後贈司空平原
郡王孝參奉國軍節度使改寧武武勝封豫章郡王
孝永邢州觀察使贈司空廣陵郡王孝詒孝隲孝悅
孝穎孝愿皆至節度使

神宗十四子長成王侑次惠王僅次唐哀獻王俊次
褒王伸次冀王侗次哲宗次豫悼惠王价次徐冲惠
王侔次吳榮穆王佖次儀王偉次徽宗次燕王俱次
楚榮憲王似次越王偲八王皆早薨侑僅伸偉徽宗
賜名追封俊侗侔价徽宗改封

吳榮穆王佖帝第九子初授南山東道節度使封儀
國公哲宗立加開府儀同三司大寧郡王進申王拜
司空帝崩似於諸弟為最長有目疾不得立徽宗嗣
位以帝兄拜太傅加殊禮旋拜太師歷京兆真定尹
荆揚大原興元牧徙國陳崇寧五年薨輟視朝七日

贈尚書令兼中書令徐州牧燕王謚榮穆又加贈侍
中改封吳王子有奕武信軍節度使和義郡王
燕王僖帝第十子越王僖帝第十二子母曰林婕妤
僖初授定武軍節度使檢校太尉封成國公僖初授
武成軍節度使檢校太尉祁國公哲宗朝僖加開府
儀同三司封咸寧郡王僖加開府儀同三司封永寧
郡王是後累換節鉞歷任尹牧僖進封萃王僖封睦
王徽宗朝俱歷太保太傅僖進封衛王魏王燕王僖
進封定王鄧王越王靖康元年同遷太師僖授河東
劔南西川節度使成都牧僖授永興成德軍節度使

雍州真定牧二年上皇幸青城父老邀之不及道遇
二王哭曰願與王俱死徐秉哲捕為首者戮之益兵
衛送二王于金營北行至慶源境上僖乏食薨僖至
韓州而薨紹興初有崔紹祖者至壽春府稱越王次
子受上皇蠟詔為天下兵馬大元帥與師恢復鎮撫
使趙霖以聞召赴行在事敗送臺獄伏罪斬于越州
市

楚榮憲王似帝初十三子初為集慶軍節度使和國
公進普寧郡王元符元年出閣封簡王似於哲宗為
母弟哲宗崩皇太后議所立宰相章惇以似對后曰

均是神宗子何必然乃立端王徽宗定位加司徒改
鎮武昌武成徙封蔡拜太保移鎮保平鎮安又改鳳
翔雄武以王府史語言指斥送大理寺驗治以上表
待罪左司諫江公望上疏以為親隙不可開開則言
可離貳疑迹不可顯顯則事難磨滅陛下之得天下
也章惇嘗持異議已有隙迹矣蔡王出於無心年尚
幼小未達禍亂之萌恬不以為恤陛下一切包容已
開之際復塗已顯之迹復泯矣恩意渥縟懽然不失
兄弟之情若以曖昧無根之語加諸至親骨肉之間
則有魏文相煎太急之譏而忘大舜親愛之道豈治

世之美事邪臣願陛下密詔有司凡無根之言勿形
案牘倘有瑕可指一入胸次則終身忘迹不可泯隙
不可塗則骨肉離矣一有浸淫旁及蔡王之語不識
陛下將何以處之陛下何願見神考於太廟乎疏入
公望罷知淮陽軍徽宗雖出公望然頗思其言止治
其左右崇寧中徙鎮荆南武寧崇寧五年薨贈太師
尚書令兼中書令興州牧韓王改封楚王謚恭憲子
有恭定國軍節度使永寧郡王

哲宗一子獻慈太子茂昭懷劉皇后為賢妃時所生
帝未有子而中宮虛位右因是得立然纔三月而夭

追封越王謚冲獻崇寧元年改謚獻愍后之立也鄒
浩凡三上疏諫隨削其謚至是或謂浩有殺卓氏而
奪其子欺人可也諺可以欺天乎之語徽宗昭暴其
事復寬浩昭州而峻茂典冊后上表謝然浩蓋無是
言也

徽宗三十一子長欽宗次亮王禮次鄆王楷次荆王
揖次肅王樞次景王杞次濟王栩次益王棫次高宗
次邠王材次初王玠次莘王植次儀王朴次徐王棣
次沂王栲次鄆王玠次和王棫次信王榛次漢王椿
次安康郡王樞次平郡王捷次陳國公機次相國

公挺次瀛國公機次建安郡王樞次嘉國公楷次温
國公鍊次英國公玠次儀國公桐次昌國公柄次潤
國公樞棧揖材拱棣機六王早薨

鄆王楷帝第三子初名煥始封魏國公進高密郡王
嘉王歷奉寧鎮安鎮東武寧保平荆南寧江劔南西
川鎮南河東寧海十一節度使政和八年廷策進士
唱名第一母三妃方有寵遂超拜太傅改王鄆仍提
舉皇城司出入禁省不復限朝暮於外第作飛橋複
道以通往來北伐之役且將以為元帥會白溝失利
而止欽宗立改鎮鳳翔彰德軍靖康初與諸王皆北

遷

肅王樞帝第五子初封吳國公進建安郡王肅王歷節度六鎮靖康初金人圍京城要帝子弟為質且求輸兩河於是遣宰臣張邦昌從樞使幹為不軍為金人所留約俟割地畢遣還而挾以北去

景王杞初授武安軍節度使檢校太尉封冀國公大觀二年改授山南東道節度使加開府儀同三司封文安郡王政和中授檢校太保尋遷太保改授護國武昌軍節度使追封景王靖康元年授荆南鎮東軍節度使遷太傅二年遣詣金營充賀正旦使既歸又

從上立青城及上皇出郊祀日為左右衣不解帶食不食肉上皇製發願文述祈天請命之意以授杞杞頓首泣及北行鬚髮盡白

濟王栩初授鎮洮軍節度使檢校太尉封魯國公大觀二年改授彰武軍節度使加開府儀同三司封安康郡王政和中授檢校太保改荆南清海軍節度使進封濟王靖康元年授護國寧海軍節度使遷太傅同景王杞為賀金人正旦使既還又與何桌為請命使金帥給栩曰自古有南即有北不可相無今所欲割地而已栩回以白上且言金帥請與上皇相見上

字三百一十八
卷之五
王三
道州
曰豈可使上皇蒙塵遂自出以羽從行及索諸王家屬相夫人曹氏避難他出徐秉哲捕而拘之遂同北去

徐王棟初授鎮江軍節度使檢校太尉封徐國公政和中授檢校太保宣和中改鎮南軍節度使加開府儀同三司封高平郡王尋改山南東道河陽三城節度使進封徐王後從淵聖北去紹興二年有萬州李勃者偽稱祁王內侍楊公謹與言徐王起居狀勃遂改稱徐王宣撫使張浚遣赴行在上命王府故吏驗視言非真詔送大理情得棄市

沂王桴初授橫海軍節度使檢校太尉冀國公政和中授檢校太保宣和中改劔南西川節度使加開府儀同三司封河間郡王尋改劔南東川威武軍節度使遷太保進封沂王後從淵聖出郊至北方與駙馬劉彥文告上皇左右謀變金遣人按問上皇遣莘王植駙馬蔡條等對辨凡三日桴彥文氣折金人誅之和王棧初授靜江軍節度使檢校太尉廣國公三年授檢校太保尋改定武軍節度使加開府儀同三司封南康郡王靖康元年授瀛海變化軍節度使檢校太保進封和王後從淵聖出郊有遣女一人高宗朝

封寧平縣主出適杜安石命太宗正司主婚
信王肅初授建雄軍節度使檢校太尉封福國公三
年授檢校太保宣和末改安遠軍節度使加開府儀
同三司封平陽郡王靖康元年授慶陽昭化軍節度
使遷檢校太傅進封信王後從淵聖出郊北行至慶
源亡匿真定境中時馬廣與趙邦傑聚兵保五馬山
若陰迎榛歸奉以為主兩河遺民聞風響應榛遣廣
詣行在奏之其略曰邦傑與廣忠義之心堅若金石
臣自陷賊中頗知其虛實賊今稍憤皆懷歸心且累
敗於西夏而契丹亦出攻之今山西諸砦鄉兵約十

餘萬力與賊抗但皆苦窮無關戎器臣多方存恤惟
望朝廷遣兵來援不然久之恐反為賊用臣於陛下
以禮言則君臣以義言則兄弟其憂國念親之心無
異願委臣總大軍與諸砦鄉兵約日大舉決見成功
廣既至黃潛善汪伯彥疑其非一旦上識榛手書遂除
河外兵馬都元帥潛善伯彥終疑之廣將行密授朝
旨使幾察榛復令廣聽諸路節制廣知事不成遂留
于大名府不進會有言榛將渡河入京朝廷因詔擇
日還京以伐其謀金人恐廣以援兵至急發兵攻諸
砦斷其汲道諸砦遂陷榛亡不知所在或曰後與上

宋史卷一百一十五 徽宗本紀十一 靖康元年

皇同居五國城紹興元年鄧州有揚其姓者聚千餘人自稱信王鎮撫使翟興覺詐遣將斬之以聞欽宗皇太子諱朱皇后子也政和七年生為嫡皇孫祖宗以來所未有徽宗喜蔡京奏除檢校少保常德軍節度使封崇國公從之會王黼得政謀傾京言其以東宮比人主遂降為高州防禦使靖康元年遷檢校少保昭慶軍節度使大寧郡王尋進檢校少保寧國軍節度使四月詔立為皇太子二年上幸青城命密院同知孫傳蕪太子少傅吏部侍郎謝克家蕪太子賓客輔太子監國稱制行事未幾金人請二帝諭

太子出城統制吳革力請留欲以所募士微服衛太子潰圍以出傳不許乃謀匿民間別求狀類太子者并宦者二人殺之送金人給以宦者竊太子欲沒獻都人爭之併傷太子遂疑不決者五日吳玠莫儔督脅其急范瓊恐變生以危言籠衛士遂擁太子與皇后共車以出百官軍吏奔隨號哭大學諸生擁拜車前太子呼云百姓救我哭聲震天已而北去弟訓訓乃北地所生有碭山人留遇僧者金人見之曰全似趙家少帝遇僧竊喜紹興十年三京路通詔求宗室遇僧自言少帝第二子守臣遣赴行在過泗州

官孫守信疑之白其守請于朝閤門言淵聖無第二子乃詔守信劾治遇僧伏罪黜隸瓊州後有自北至者曰淵聖小大王訓見居五國城

元懿太子諱粵高宗子也母潘賢妃建炎元年六月生于南京拜檢校少保集慶軍節度使封魏國公金人侵淮南帝幸臨安會苗傅劉正彥作亂逼帝禪位于粵改元明受既而傅等伏誅帝復位乃以粵為皇太子從幸建康太子立屬疾宮人誤蹠地上金鑪有聲太子驚悸疾轉劇薨謚元懿

信王璪字潤夫初名伯玖藝祖七世孫秉義郎子彥

之子也生而聰慧初伯琮以宗子被選入宮高宗命

鞠于嬖好張氏吳才人亦請于帝遂以伯玖命才人

母之賜名璪除和州防禦使時生七歲矣伯琮以建

國公誅傅璪獨居禁中俄拜節度使封吳國公守執

趙鼎劉大中三庶等堅持之命不果行會秦檜專政

遂除保大軍節度使封崇國公尋詔赴貧善堂聽讀

紹興十五年加檢校少保進封恩平郡王出就外第

特伯琮已封普安郡王璪官屬地制初等東虢東西

府踰年改武昌軍節度使二十二年子彥卒璪云官持服終喪還舊宮顯仁太后崩普安郡王始子為皇

太子瑋因加恩稱皇姪名位始定遷開府儀同三司判大宗正事置司紹興府孝宗即位瑋表請入賀許之特授少保改靜江軍節度使頃之省紹興府宗正事改判西外宗正司瑋累章乞開改體泉觀使淳熙中除少傅高宗崩奔赴得疾踰年而薨年五十九追封信王累贈太保太師始瑋之入官也儲位未定者垂二十年中外頗以為疑孝宗既立天性友愛瑋入朝屢召宴內殿呼以官不名也賜予無筭予四人師淳熙忠州團練使永州防禦使師灝師淪師路並補武翼大夫孫希楙特補保義郎

莊文太子諱情孝宗嫡長子也母郭皇后初名愉補右內率府副率尋賜名情除右監門衛大將軍榮州刺史孝宗為皇子時情拜蘄州防禦使及受禪除少保永興軍節度使封鄧王故事皇子出閣封王兼兩鎮然後加司空情自防禦使躡拜少保章異數也乾道元年立為皇太子冊廣國夫人錢氏為妃詔增東宮從衛太子謙讓及奏指月給雜物從之三年秋太子病賜醫誤投藥病劇上皇與帝親視疾為赦天下越三日薨年二十四謚莊文太子賢厚上皇與帝皆愛之帝從禮官議服期以日易月文武百官服衰服

字三九十八
一日而除東宮臣僚齊衰三月臨七日而除此帝
母至東宮命宰臣奉謚用大小祥皆以執政官行禮
子挺錢氏所生也甫時除福州觀察使封榮國公乾
道九年卒贈武當軍節度使追封豫國公寧宗時命
宗子希璿為太子後希璿藝祖九世孫也賜名摺補
右千牛衛將軍置教授于府開禧二年除忠州防禦
使嘉定八年更名思正

魏惠憲王諱愷莊文同母弟也初補右內率府副率
轉右監門衛大將軍貴州團練使孝宗受禪拜雄武
軍節度使開府儀同三司封慶王莊文太子薨愷次

當立帝意未決既而以恭王英武類已竟立之加愷
雖武保寧軍節度使追封魏王判寧國府妻華國夫
人壹氏特封韓魏兩國夫人以示優禮賜黃金三千
兩白金一萬兩命宰執設祖于玉津園王登車顧謂
虞允文曰更望相公保全比至鎮奏朝天申節許之
府長史上言欲與司馬分治郡俾王受成愷奏曰臣
被命判府今專委長史司馬是處臣無用之地况一
郡置三判府臣恐吏民紛競不一徒見其擾長史司
馬宜主錢穀訟牒俾擬呈臣依而判之庶上下安事
益易治又請增士入貢額朝廷悉從之愷究心民事

葉圩田之墮圯者帝手詔嘉勞之淳熙元年徙判明
 州較屢邑田租以贍學得兩岐麥圖以獻帝復賜手
 詔曰汝勸課藝植農不游惰宜獲瑞麥之應加愷荆
 南集慶軍節度使行江陵尹尋改永興成德軍節度
 使揚州牧七年薨于明州年三十五帝素服發哀於
 別殿贈淮南武寧軍節度使揚州牧兼除州牧謚惠
 寧三性寬恕上皇雅愛之雖以宗社大計出王於外
 然心每念之賜賚不絕詔閭帝泣然曰向所以越次
 建儲者正為此子福氣甚薄耳治二郡有仁聲薨之
 日四明父老乞建祠立碑以紀遺愛子二人摠早卒

柄生於明州母卜氏信安郡夫人王薨還后行在柄
 性早慧帝愛之將內禪升耀州觀察使封嘉國公慶
 元間封吳興郡王領昭慶軍節度使開禧二年薨贈
 太保封沂王謚靖惠子垓三歲而夭詔立宗室希矐
 子為其後更名的領右千牛衛將軍置教授于府尋
 加福州觀察使後更名貴和即鎮王妹也

景獻太子諱詢燕懿王後藝祖十一世孫也初名與
 愿寧宗既失交王從宰執京鏜等請取與愿養于宮
 中年六歲賜名曠除福州觀察使嘉泰二年拜威武
 軍節度使封衛國公聽讀噴善堂開禧元年時邊事

益急金人請誅首謀用兵者曠用翊善史彌遠計奏
韓侂胄輕起兵端上危宗社宜賜黜罷以安邊境
之曠立為皇太子拜開府儀同三司封榮王更名惇
詔御朝太子侍立宰執日赴資善堂會議尋用天禧
故事宰輔大臣並兼師傅賓客太子出君東宮更名
詢嘉定十三年薨年二十九謚景獻

瑛王竑希瞿之子也初沂靖惠王薨無嗣以竑為之
後賜名均尋改賜名貴和太子詢薨迺立貴和為皇
子賜名竑授寧武軍節度使封祁國公嘉定十五年
五月加檢校少保封濟國公十七年六月辛未竑生

子詔告天地宗廟社稷宮觀八月癸未賜竑子名鈗
授左千牛衛大將軍丁亥鈗薨贈復州防禦使追封
永寧侯竑上表稱謝竑好鼓琴丞相史彌遠買美人
善鼓琴者納諸御而厚廩其家使美人矚竑動息必
以告美人知書慧黠竑嬖之宮壁有輿地圖竑指瓊
厓曰吾他日得志置史彌遠於此又嘗呼彌遠為新
恩以他日非新州則恩州也彌遠聞之嘗因七月七
日進乞巧竒玩以覘之竑乘酒碎於地彌遠大懼日
夕思以處竑而竑不知也時沂王猶未有後方選宗
室希璪子昀繼之一日彌遠為其父飯僧淨慈寺獨

與國子學錄鄭清之登惠日閣屏人語曰皇子不堪負荷聞後沂邸者甚賢今欲擇講官君其善訓迪之事成彌遠之坐即君坐也然言出於彌遠之口入於君之耳若一語洩者吾與君皆族矣清之拱手曰不敢乃以清之兼魏忠憲王府教授清之日教昀為文又購高宗書俾習焉清之上謁彌遠即以昀詩文翰墨以示彌遠譽之不容口彌遠嘗問清之吾聞其賢已熟大要竟何如清之曰其人之賢更僕不能數然一言以斷之曰不凡彌遠領之再三策立之意益堅清之始以小官兼教授其後累遷兼如故寧宗崩彌遠始遣清之往告昀以將立之之意再三言之昀默然不應最後清之乃言曰丞相以清之從遊之久故使布腹心於足下今足下不答一語則清之將何以復命于丞相昀始拱手徐答曰紹興老母在清之以告彌遠丞相與歎其不凡竝跂足以需宣召久而不至彌遠在禁中遣快行宣皇子令之曰今所宣是沂靖惠王府皇子非萬歲基皇子為誤則汝曹皆慶斬竝不能自已屬目藩壁間見快行過其府而不入疑焉已而擁一入徑過天已暝不知其為誰甚感昀既至彌遠引入樞前舉哀畢然後召竝竝聞命亟赴至則

每過宮門禁衛拒其從者彌遠亦引入極前舉哀畢
引出惟殿帥夏震守之既而召百官立班聽遺制則
引竑仍就舊班竑愕然曰今日之事我豈當仍在此
班震給之曰未宣制以前當在此宣制後乃即位耳
竑以為然未幾遂見燭影中一人已在御坐宣制畢
閣門贊呼百官拜舞賀新皇帝即位竑不肯拜震捽
其首下拜皇后矯遺詔竑開府儀同三司進封濟陽
郡王判寧國府帝因加竑少保進封濟王九月丁丑
以竑充醴泉觀使令就賜第實慶元年正月庚午湖
州人潘壬與其弟丙謀立竑竑聞變匿水竇中壬等

得之擁至州治以黃袍加身竑號泣不從不獲已與
之約曰汝能勿傷太后官家乎衆許諾遂發軍資庫
金帛命子犒軍命守臣謝周卿率官屬入賀偽為李
全榜揭于門數彌遠廢立罪云今領精兵二十萬水
陸進討比明視之皆太湖漁人及巡尉兵卒不滿百
人耳竑知其謀不成率州兵討之遣王尤春告于朝
彌遠命殿司將彭任討之至則事平彌遠令客秦天
錫託召醫治竑疾卒無疾丙戌天錫詣竑諭旨逼竑
縊于州治帝輟朝賜銀絹各一千會子萬貫贈少師
保靜鎮潼軍節度使給事中盛章權直舍人院王堅

一再繳奏詔從之右正言李知孝累奏追奪王爵降封巴陵縣公於是在廷之臣真德秀魏了翁洪咨夔胡彥昇等每以坑為言彌遠輒惡而斥遠之端平元年詔復官爵妻吳氏為比丘尼賜惠淨法空大師月給鉢錢百貫景定五年度宗降詔追復元贈節度使德祐元年提領戶部財用兼脩國史常楙請立竝後試禮部侍郎兼中書舍人王應麟請更封大國表墓錫謚命大宗正司議選擇立後迎善氣銷惡運莫先於此下禮部議贈太師尚書令依舊節度使陞封鎮王謚昭肅以田萬畝賜其宮遣應麟致祭 卷第三

列傳卷第六

宋史二百四十七

開府儀同三司上柱國鑾國軍事前書右丞相兼修國史領經筵講官等奉勅修

宗室四

子直

子崧

子櫟

子砥

子晝

子灞

師霏

希言

希懌

士晤

士儂

士嶠

士晴

不群

不棄

不亢

不怠

善俊

善譽

汝述

叔近

叔向

彥倓

彥櫛

彥逾

子直字三之燕王五世孫父令鑠官至寶文閣待制
子直以蔭補承務郎累遷少府監主簿改河南少尹
時治西內子直有幹才漕使宋昇罷之或事有未便
子直輒力爭昇每改容謝之除蔡河撥發綱運官會
夏旱河水涸轉餉後期貶秩一級提舉三門白波鰲
運事除直秘閣丁內艱起復累進龍圖閣秘閣脩撰
除陝西轉運副使初蔡京鑄夾錫錢民病壅滯子直
請鑄小鐵錢以權之因範格以進徽宗大說御書宣
和通寶四字為錢文既成子直奏令民以舊銅錢入

官易新鐵錢旬日易得百餘萬緡帝手札以新錢百
萬緡付五路均糴細麥命子直領其事民苦限迫詣
子直訴者日數百人子直奏請寬其期民使之會蔡
京再相言者希京意論子直亂錢法落職奉祠靖康
初復秘閣脩撰金人侵洛子直奔荆南潰兵祝靖盛
德破荆南城子直匿民家靖等知之來謁言京城已
破子直泣說之曰君輩宜亟還都城護社稷取功名
無貪財擾州縣也皆應曰諾子直因卓檄趣之翌日
靖等遂北行紹興元年召見復徽猷閣直學士知西
外宗正司改江西都轉運使時建甯府軍須浩繁子

直運餉不絕以功進實文閣直學士尋知西外宗正
 司三京新復除京畿都轉運使以疾辭卒于家年六
 十七子直幼警悟蘇軾過其家抱置膝上謂其父曰
 此公家千里駒也及長善談論工詩然崇寧大觀間
 土木繁興子直每畫其役識者鄙之

子崧字伯山燕懿王後五世孫登崇寧五年進士第
 宣和間官至宗正少卿除徽猷閣直學士知淮寧府
 汴京矢守起兵勤王道阻未得進聞張邦昌僭位以
 書白康王宜遣師邀金人河上迎請兩宮問罪僭逆
 若議渡江恐誤大計遂與知穎昌府何志同等盟傳

檄中外已而聞金人退引兵襄邑遣范瑁徐文中詣
 濟王請王進兵南京且言國家之制無親王在外者
 主上特付太王以元帥之權此殆天意亟宜承制號
 召四方豪傑則中原可傳檄而定王命子崧充大元
 帥府參議官東南道都總管邦昌家在廬州子崧檄
 通守趙令德幾察之且請捕誅其母子以絕姦心又
 言自圍城以來朝命隔絕乞下諸路凡有事宜並取
 大元帥府裁決偽檄毋得行宣撫使范訥逗撓營私
 所宜加罪宜蠲被兵州縣租經理淮南荆浙形勢之
 地毋為群盜所據檄止諸路毋受邦昌偽赦移書責

字四百八十八
邦昌曰人臣當見危致命今議者籍籍謂劫請傾危
之計實由陛下不然金人何堅拒孫傳之請而卒歸
於閣下也敵既遠去宜速反正若少遲疑則天下共
誅逆節雖悔無及矣又遺書王時雍曰諸公相與亡
人之國方且以為佐命功臣不知平日所學何事會
邦昌遣使迎王次第白子崧子崧即貽王書曰似聞
謂以京師殘破不可復人止欲即位軍中便圖遷徙
臣竊惑焉夫欲致中興當謹舉措宜先謁宗廟覲母
后明正誅賞降霽四方若京師果不可都然後徐議
所向遂傳檄京師恭于隆祐太后曰諸路先聞二聖

北遷易姓改國恐間有假討逆之名以竊據州郡者
乞速下明詔諭四方以迎立康王之意庶幾人心慰
安奸宄自消矣尋以所部兵會濟州康王即位于崧
請放諸路常平積欠錢又言臺諫為人主耳目近年
用非其人率取旨言事請遵舊制聽學士中丞互舉
范祖禹常安民上官琦先朝言事盡忠請錄其子弟
皆可其奏因建三心之議一屯澶淵一屯河中陝華
一屯青鄆間以張瑄萬一敵騎南侵則三道並進
可成大功除延康殿學士知鎮江府兩浙路兵馬鈐
轄上章論王時雍徐秉哲吳玠莫傳范瑄胡思王紹

王及之顏博文余大均等逼遷上皇取太子辱六官
捕宗室竊禁物都人指為國賊伏望肆諸市朝以為
臣子之戒時滑州兩經殘破子崧薦傅亮可任除亮
滑州通判黃潛善沮之命遂寢賊趙萬犯鎮江子崧
遣將擊萬於丹徒調鄉兵柔城為備頃之官軍敗歸
鄉兵驚潰子崧率親兵保焦山寺賊據鎮江初昌陵
復上司天監苗昌裔謂人曰太祖後當再有天下十
崧習聞其說靖康末起兵檄文頗涉不遜子崧與御
營統制辛道宗有隙道宗求得其文上之詔御史往
案其獄情得帝震怒不欲暴其罪坐以前擅棄城降

單州團練副使謫居南雒州紹興二年赦復集英殿
脩撰而子崧已卒于貶所

子揆燕懿王後五世孫登元祐六年進士第靖康中
為汝州太守金人再渝盟破荆湖諸州獨子揆能保
境上李綱言于朝遷實文閣直學士尋提舉萬壽觀
紹興七年卒

子砥藝祖後令珣之子也仕至鴻臚丞北遷至燕山
久之欲道歸乃遣其徒朱國賓王孝安至中京求得
上皇宸翰懷之以歸建炎二年六月至行在帝命輔
臣召問于都堂子砥言金人講和以用兵我國斂兵

以待和往者契丹主和議文真主用兵十餘年間竟
滅契丹今復踵其轍歷人畏虎嗚虎以肉食盡終必
食人若設陷穿待之度能制虎因復改官已而賜對
稱旨命知台州卒

子晝字叔問燕王五世孫少警敏強記工書翰累官
憲州通判宣和初充詳定九域圖志編脩官出知澤
州改密州詔為刑部員外郎以憂去建炎四年遷吏
部員外郎尋用太宗正士優薦遷尚書左司員外郎
兼權貨務歲收茶鹽香錢六百九萬餘緡以功進秩
一階試太常少卿集太常因革禮八十篇為二十七

卷上言復春分祀高禘禮除權禮部侍郎遷徽猷待
制樞密都承旨以公族為侍從及改官制後都承旨
用文臣皆自子晝始衢嚴信饒之民生子多不舉子
晝請禁絕之累求補外遷徽猷閣直學士知秀州既
而奉祠以歸寓于衢紹興十二年卒年五十四
子瀟字清卿秦康惠王後孝靖公令與之子也七歲
而孤家貧力學登宣和中進士第調真州刑曹掾與
守爭獄事解官去改衢州推官胡唐老奇其才任之
屬時多故子瀟佐唐老繕完城具苗劉兵至城下不
能攻以功進一秩累官吏部郎中求補外遷戶部郎

字四百个五不
中總領江淮軍馬錢糧諸司饋禮月以千緡悉歸之
公帑除直秘閣兩淮轉運副使朝廷遣人檢沙田蘆
場欲緊增租額子灞以承買異冒占力止之時議者
言田之並太湖者被水患宜分道諸浦注之江詔子
灞往案視還言太湖當數州巨浸豈松江一川所能
獨泄昔人於常熟北開浦二十四以達大江又開浦
十於崑山東南以入海今皆湮塞宜加疏浚從之遂
浚常熟東柵至雒浦入于涇谷又疏鑿福山塘至尚
市橋北注大江分殺其勢永患用息明州守趙善繼
治郡殘酷子灞率諸監司劾罷之除直敷文閣知臨

安府吏不能欺禁權家僮人子女為僕妾者詔權戶
部侍郎陞華文閣待制復知臨安府調三衛卒修築
都城不擾而辦金主亮渝盟子灞獻助軍錢十五萬
緡特遷一秩帝幸津康充行宮留守參謀官扈蹕還
復知臨安府金人來議和子灞請事情巨則宜以軍
禮待之孝宗嗣位志圖恢復子灞練兵習為鵝鵠魚
麗陣上觀於便殿嘉之賜金帶堪敷文閣直學士移
知明州沿海制置使臺諫王十朋王大寶抗疏留之
帝曰朕委以防海行召還矣初海寇以賂通郡胥吏
吏反為之月匿其蹤迹賊遂大熾商舶不通子灞以

禮延上豪俾率郡胥分道入海告之曰用命者有厚賞不則殺無貸胥衆震恐手指賊處悉禽獲凡豪猾為賊囊橐者窮治之海道遂平陸龍圖閣直學士知福州歲饑告糴旁郡米價頓平民賴以濟進龍圖閣學士移知泉州吏有掠民女為妾者其妻妬悍殺而磔之貯以缶抵其兄與化掾安所中妾父詣郡訴吏不決予濡訪知狀亟遣人往與化果得缶以歸獄遂決其發擿槩類此乾道二年卒于官年六十六

師昇字從善系出燕懿王王元彰化軍節度使惟忠惟忠生宣城侯從謹從謹生崇國公世恬世恬生嘉

國公令峻中興初韓世清挾令峻為變裂黃旗被其身固拒獲免令峻生朝奉郎子笈笈生和州防禦使伯驪伯驪少從高宗于康邸以文藝侍左右師昇伯驪之子也舉進士第除司農簿遷金部郎中孝宗竒其才顧遇頗厚師昇奏左右曹度支倉部宜立總計司歸併財物之數以絕吏奸制可知吉州即山鍊銅足治欠額二十萬進言部郎官准東總領光宗初擢大府少卿知秀州又淮南運判時郡鉞錢不行鹽商弗至師昇請發度牒出倉粟以收鐵錢鹽利遂通累遷司農卿知臨安府有僧號散聖者以妖術惑衆

師異捕治黠之韓侂胄用事師異附之遂得共京侂
胄生日百官爭貢珍異師異最後至出小合曰願獻
少果核侂胄啓之乃粟金蒲萄小架上綴大珠百餘
衆慚沮侂胄有愛妾十四人或獻北珠冠四枚於侂
胄侂胄以遺四妾其十人亦欲之侂胄未有以應也
師異聞之亟出錢十萬緡市北珠製十冠以獻妾為
求遷官得轉工部侍郎侂胄嘗飲南園過山莊顧竹
籬茅舍謂師異曰此真田舍間氣象但欠犬吠鷄鳴
耳俄聞犬吠聲叢薄間視之乃師異也侂胄大笑久之
以工部尚書知臨安府侂胄將用兵師異度侂胄材

疎意廣必召禍以持異論侍御史鄧友龍劾罷之侂
胄死其黨多坐誅以師異嘗與侂胄異故獲用除寶
謨閣直學士知鎮江府會荆湖始置制闡以命師異
給事中蔡幼學繼其命遂罷歸未幾詔為兵部尚書
知臨安府幼學時為學士亦不草詔留元剛草之時
楮輕糴貴師異尹京未數月楮價寢昂糴亦稍平執
政愈益賢之會武學士柯子冲廬宣德以事至府師
異擅持遣之衆盡譴文武二學之士交接黜師異乃
罷免與祠卒于家年七十師異四尹臨安有能聲嘗
劾致民罪沒其家貲諸事權貴人以是鄙之

希言字若訥惠王令慮元孫也淳熙十四年登第調
衢州司戶合郡民以計表其坊里標其戶數為圖獻
于守守才之西安令不職守檄希言攝邑漕善令會
嚴州請復烏龍嶺稅場檄希言往訪之泐令得復職
希言力陳烏龍場不當復漕怒曰衢已復孔步章戴
二場何烏龍獨不可復希言謂二場當併罷去漕不
能奪二場竟亦廢改吉州司理屬邑有誣人以殺人
罪者吏治之急囚誣服希言鞫得實檄縣他捕乃得
真盜用楊萬里周必大薦授臨安府司法改淮西總
所幹辦移書約諸郡綱必時發至即受納無滯留始

至軍庫見錢不滿千緡比去庫錢充溢知臨安仁和
縣闢學宮四百餘畝適大旱蝗集御前蘆場中巨數
里希言欲去蘆以除害中使沮其策希言驅卒燔之
臨平塘隄決希言督役親捧土投石兵民爭奮堤成
因築重隄後不復決民病和買絹折錢重希言節公
費代其輸除大社令遷樞密院編脩官兼右司上言
諸將但務城守敵來不拒去不復追異時之憂殆不
止保江而已宜諭諸將一軍受圍諸軍共守敵不渡
淮則均受賞以戰為守毋以守為守遷宗正丞請南
班得與輪對許之累遷秘書丞著作郎軍器少監皆

字三百九十二个
兼右司又充密院檢詳為宰屬樞掾凡六年奉祠去
嘉定十七年卒年六十一贈資政殿大學士封越國
公謚忠憲子與權登進士第再中刑法科官至開府
儀同三司

希慤字伯和燕王八世孫登淳熙十四年進士第趙
汝愚帥福建希慤為屬吏嘗言治人如脩身治政如
理家愛民如處昆弟取古今官著惠愛者緝為一編
曰是吾師矣汝愚嘉之薦于憲辛棄疾棄疾尚氣僚
吏不敢與可希慤獨盡言無所避屬邑候官苦稅
重每不登額希慤稍核公帑羨錢以足之棄疾亦薦

其能汝愚當國調江東運司幹辦同寅有坐仇由黨
者諸司莫敢薦希慤賢其人請以薦已者薦之改太
平州通判先是盜熱而逃者捕得處死希慤言強盜
特貸命而輒逃者斬今黥罪致死非法之平也自是
皆減死論遷江心茶鹽提舉歲饑惡少聚劫希慤將
自臨按幕屬力止之不聽曰希慤不出饑民終不得
食且召亂矣遂行發粟賑給禽首謀者治之其黨遂
散遂本路帥兼漕事風峒羅世傳寇郴陽奸民潛
通賊陰濟以糧希慤捕治之賊乏食乃去未幾李元
礪寇郴陳廷佐寇南安復誘羅世傳與合劫掠五龍

宋史卷一百一十七
忠義列傳第六
湯惠

泉有何尤世者能知賊動息希惲授先世計俾誘世
傳誘元礪以自贖功未竟移知平江府其後世傳果
縛元礪以獻廷佐勢孤亦降移知太平州希惲為倅
日習知其民利病遂損折市價減榷酤額以蘇民力
已而乞祠遷端明殿學士換昭信軍節度使開府儀
同三司致仕嘉定五年卒年五十八贈少保封成國
公

士璠字公美濮安懿王曾孫也天資警敏兒時儼如
成人比弱冠為右監門衛大將軍貴州團練使從上
皇北遷次洛州東與諸宗室議欲遁還據城謀未就

而金人圍合皆散走士璠乘驢西亡夜半盜效驢去
徒步疾趨遲明抵武安酒家語人曰我皇叔也邑官
聞之來謁資以衣冠鞍馬因募得少壯百餘人從至
磁州招集義兵以解洛圍旬日間得勝兵五千人歸
附者數萬時洛州守臣王麟欲叛降敵軍民怒殺之
推統制韓一為主士璠夜半薄城下力戰破圍三日
入城部分守禦敵治壕塹樹鹿角示以持久士璠礪
將士死守飛火砲碎其攻具以計生得其首領敵乃
解圍去以功遷權知洛州仍兼防禦使建炎二年金
人再犯洛糧盡援絕衆不能守乃擁士璠出城由白

百六十五
冬灘抵大名府詔赴行在紹興五年遷泉州觀察使
再遷平海軍承宣使知南外宗正事時泉州新建向
學子者少士晤奏宗子善軫文藝卓絕衆所推譽乞免
文解由是人知激勸遷節度使未拜而卒年四十六
贈少師追封和義郡王淳熙中謚忠靖子不流歷臨
安紹興帥治有聲

士儂字立之邠康孝王仲御第四子有大志好學善
屬文初補右班殿直累遷忠州防禦使鄭州觀察使
寧遠軍承宣使轉權同知大宗正事時康王建大
元帥府士儂請於孟太后乞命帥府得承制便宜行

事又請奉王承大統太后從之王遂即位除光山軍
節度使扈蹕南幸黃潛美等用事士儂論其誤國潛
善所之出山南外宗正事會呂葛傅劉正彥作亂士儂
易服入館以蠟書遺張浚趣其勤王復遣呂頤浩書
勉其與浚同濟國難葛傅等怒浚浚坐謫復遣浚書
謂朝廷無他意俾賊勿疑耳事平加檢校少保除同
知大宗正事丁母憂起復除大宗正事請序位安定
郡王下從之累乞同不許以定策功詔其子不議政
文秩不恤易環衛官加士儂檢校少師尋加開府儀
同三司判大宗正事人觀勸帝留意恤民金人既歸

河南陝西地命士儂謁陵寢遂入栢城披歷榛莽隨
宜葺治禮異而還特封齊安郡王以旌其勞尋權主
奉濮安懿王祠事軍興罷宗室賜予至有喪不能斂
者士儂以聞詔總麻袒免親任環衛官而身亡者賜
錢有差士儂數言事忤秦檜乃告飛被誣士儂力辨
曰中原未靖禍及忠義是忘二聖不欲復中原也臣
以百口保飛無他檜大怒諷言者論士儂交通飛蹤
迹詭秘事切聖躬遂奪官中丞乃俟尚復希旨連擊
之謫居于建凡十二年而慶年七十帝哀之贈太傅
追封循王六子皆進官二階長子不凡方苗傅之亂

割股納蠟書持告張浚以功轉兩官易文資從趙哲
收復建州校策濼以功賜爵一級

士嶠字仰夫太宗七世孫初以廣補官累轉太子率
府副率建炎初遷祐太后幸泚州賊奄至白司散走
士嶠至一大船中見二帝御舟自以走遇清兵數百
同行至山中眾欲聚為盜士嶠出御容示之曰盜不
過求食為朝夕計耳孰若仰給州縣士嶠以近屬諭
之必從如此則今日不饑餓後日不失賞是一舉而
兩得也眾聽命乃走謁太后虔州會虔民作亂鄉兵
在外為應與官軍相待士嶠詣執政謂當請太后急

字三百九十六个
肆赦人知免死度可安集又宜急諭城中城中定則
外寇可弭譬如服藥心腹已安外禦風濤乃餘事耳
赦既下城中遂定遷右監門衛大將軍惠州防禦使
紹興二十一年卒贈建寧軍承宣使追封建安郡王
士晴太宗之後商濮王之裔也從上皇俱北遷乘間
變姓名入僧寺中落髮衣僧衣以行抵會稽扈駕循
幸以覃恩轉千牛衛將軍奉朝請而卒

不群字介然太宗六世孫宣和中量試授承事郎靖
康初宰濟南章丘縣縣當山東河北之衝不群募效
用五千人增城浚濠為戰守備敵攻圍兩月不能下

遷維州通判陞直秘閣通判鎮江府辟充兩浙宣撫
司主管機宜文字高宗在越詔改郴州時群盜出沒
湖湘間不群嚴備禦盜不能犯進直顯謨閣移知鼎
州充湖北兵馬副鈐轄既而朝廷慮郴失守復留不
群于郴會岳飛破曹成遁因犯郴不群乘城固守
拒卻之進直寶文閣移知宣州軍需以時辦而民不
擾進秩二階知廬州鄴瓊叛擁不群北去尋釋之以
歸帝召見問瓊叛故不群曰由劉錡除制置瓊等以
為圖已蕪撫諭後時故叛帝悔之除知荆南府累遷
兩浙路轉運副使卒于官

三百九十八个
不棄字德夫太宗之裔紹興中為江東轉運判官秦
檜忌四川宣撫使鄭剛中以下棄能制之除天府少
卿四川宣撫司總領官初趙開總蜀賦宣撫司文移
率用申狀不棄至官用張憲成故事以平牒見剛中
剛中愕然久之始悟其不疑已遂有隙不棄欲盡取
宣撫司所儲剛中不與不棄怒剛中辟利州轉運使
王陟兼本司叅議不棄劾罷之二人愈不相能檜併
召還剛中在蜀服用頗踰制不棄復文致其事檜乃
罷剛中陞不棄敷文閣待制知臨安府踰年改工部
侍郎尋除敷文閣直學士知紹興府時浙東旱饑民

多流亡提舉秦昌時檜兄子也不棄言其悉心振恤
全活甚衆昌時得遷秩其媿檜如此未幾卒
不允有武力靖康之難與王明募義兵與金人戰雄
張河南北盜皆避其鋒曰此小使軍也高宗即位引
衆歸補武翼郎從岳飛平湖寇飛死檜奪其兵遣守
橫州而卒子善悉進士登第累官敷文閣直學士兩
浙轉運副使

不忌字仁仲嗣濮王宗暉曾孫也父士圃從上皇北
遷建拜集慶軍節度使不忌初補保義郎紹興二十
七年登第易左宣義郎調婺州金華丞治縣豪何汝

翼檄請於郡編隸他州邑人憎服除永州通判郡歲輸米倍收其贏民病之不息言於守損其數帥司檄不息錄靖州獄辨尔寃者數十百人靖人德之繪其像以祠除知開州開在巴東俗鄙陋不息為興學俾民知孝義郡有鹽井舊長史必遣所親監之私其利不息罷遣鹽利倍入郡計用饒以羨餘代民輸夏秋兩稅及天申節銀絹在開二年民絕閭爭夜戶不閉諸司交薦以比占循吏轉夔州轉運判官開人數千遮城門不得行至夔民病上供銀時部使者以親故攝大寧鹽場專其利不息斥去而鹽獲羨餘乃出錢

市羨鹽數十萬斤易米得三萬餘斛運抵湖北市銀以歸代諸郡納上供銀省緡錢十五餘萬改成都路轉運判官適歲饑不息行抵瀘南貸官錢五萬緡遣吏分糶比至下令曰米至矣富民爭發粟米價遂平雙流朱氏獨閉糶邑民群聚發其廩不息抵朱氏法籍其米熟盜米者民遂定永康軍歲治都江堰籠石蛇絕江邊水以灌數郡田吏盜金減役夫堰不固而圯田失水故歲屢饑不息躬視操板築繩吏以法乃出令民業耕耨田主貸之事未作者富民振之老幼疾患者官為粥視全活數百萬黎州青羌奴結兒反

制司調兵往戍屬不怠給餉故事富人出糧而丁戶
以力致于邊不怠曰民饑不可擾也以糴餘米發卒
運之已而朝廷命不怠攝制司初官兵敗前制使遣
人賂奴結兒以和不怠曰奴結兒吐蕃小種也今日
和若大族何不聽會首豪豪東畜列率數千人入漢
地二百餘里成都大恐不怠靜以鎮之召僚屬飲夜
遣步將領飛山軍徑赴沈黎又徙綿州兵戍平州為
後援戒之曰堅守勿動密檄諸蕃部生獲吐蕃一人
賞十緡殺一人二緡於是印部川三領崖襪合諸部
落大破吐蕃於漢源吐愛東畜列首來獻凡十有六

而平嘉州虛恨蠻人憲不怠標吐蕃百境上蠻懼
一不道去不怠乃令緣邊家出丁夫一人分戍諸堡
以其家不怠罷歸蜀人送者自成都至雙流遠道不
得行未幾除成都提刑改江西路轉運判官廷臣薦
其賢詔授右監門衛大將軍惠州防禦使知大宗正
事非常制也吏白承受奏請須用中貴人不怠曰有
司不存乎罷不用中貴人或請見輒謝出之進明州
觀察使俄陞招慶軍承宣使金人完顏烈牙聘充館
伴副使金使從者舊見館使皆對揖不怠不為禮宴
王津園不怠連射皆中使者驚服不怠以文行訓勉

族屬薦其秀傑者奏新學宮增廣弟子員做大學校
定法置自訟齋使有過者讀書其中人人感勵淳熙
十四年卒年六十七贈開府儀同三司封崇國公不
怠性篤孝生七歲遭父北遷每思慕涕泣長力學母
曹氏止之答曰君父讐未報非敢忘官責也登第時
已入仕法當超兩秩請回授其母母封法止令人高
宗嘉其志特封郡夫人居官所至有聲立朝好言天
下事蜀中武帥操重權不怠請復置文撫司相維而
治其論王朴不宜攝巡諸路軍王友直不可為副都
指揮使尤人所難言者遇大旱一日九疏勸上求直

言通下情退而燔其藁時布衣上書狂悖多抵罪不
怠謂太上皇帝不罪言者此宜書之御座右帝悚然
可之既嘉其忠諫每宴禁中帝飲之酒顧謂皇太子
曰此賢宗室也一日坐待漏院有給事中白英國公
借擊毬馬不怠正色曰上惟一皇孫萬一馬驚墮斬
汝輩無益也馬竟不可得所敬者朱熹張栻栻死為
請謚又請周熹其好尚如此

善俊字後臣太宗七世孫父不衰閩路兵馬鈐轄善
俊初補承節郎紹興二十七年登第換左承務郎調
南城丞改昭信軍簽判奇之虞允文亦薦其有邊帥

才除幹辦諸司審計司知郴州敷奏稱旨留為大府
 寺丞尋攝帥知廬州會歲旱江浙饑民麋至善俊括
 境內官田均給之貸牛種僦屋以居死者為給槥人
 至如歸州城舊毀于兵善俊喜完之因言異時恃焦
 湖以通饋餉今既堙涸宜募鄉兵保孤嫠二山治屋
 以儲粟敵或敗盟則吾城守有餘餉道無乏矣又增
 築學舍新包拯祠春秋祀之人感其化累遷龍圖閣
 直學士移知建州建俗生子往往不舉善俊痛繩之
 給金穀捐已奉以助其費再知廬州首言和好不可
 恃當高城浚池以為備復為陂七門堰農政用修免

青屬邑坊場河渡羨錢百姓德之以父憂去服闋起
 知鄂州適南市火善俊亟往視事弛竹木稅發粟振
 民開古溝創火巷以絕後患僚屬爭言用度將不足
 善俊曰吾將瘠己肥人乃省燕游車騎鼓吹之費郡
 計用饒代輸民錢錢非知建州歲饑民群趨富家發
 其廩監司議調兵掩捕善俊曰是趣亂也諭許自新
 平米價民乃定盜賊入盜十三人死罪以希賞善俊
 辨其寃徙知隆興府移江西轉運副使時朝廷議減
 月椿錢善俊言及州不及縣則縣仍迫取於民猶不
 減也宜一路通裁其額下之漕臣科郡縣輕重均減

字三百九十九
之及奏和買已是白科從而折變益加糜費其數反
重於正絹併乞蠲減縣卒遇赦還者刺充舖兵可除
民言所言多見用轉湖南帥郝桂地絕遠守多非才
善俊謂宜精其選代翰潭州經總制錢俸醴陵涿水
渡錢加秘閣脩撰移知鎮江府丁母憂終喪而卒年
六十四善俊風儀秀整喜功名尤好論事孝宗時日
中有黑子地屢震每以飭邊備為戒孝宗英武獨運
缺相者累年善俊極言相位不可無人尤人所難言
者

善譽字靜之父不倚太宗之後也善譽幼敏慧力學

乾道五年試禮部第一初調昌國溥攝邑事勸編戶
哀金買田以助嫁娶喪葬捕得海盜金黨守欲上其
功善譽曰奈何以人命希賞守恣賢之薦于朝授兩
浙運幹改知撫州臨川縣縣嘗預借民賦善譽閱籍
發逋負按籍征催卒以時辦集遂罷預借改常州添
差通判史浩言其賢詔赴部堂審察累遷大理丞湖
北常平茶鹽提舉會大旱善譽通融諸郡常平計戶
振貸嗣歲麥禾倍收民爭負以償奏罷稅場十餘渡
四十五民便之俾諸郡售田委郡文學董其入以給
計借者移潼川路提刑轉運判官遂寧守徐詡之廉

字三百九十一
聲部使者以其故御史寬假之善譽過遂寧詔出迎
善譽抑使循廊誦大沮郡人聞之爭訟其過善譽劾
諸朝宰相王淮善詔寢其章善譽徑以聞罷詔又以
羨貲給諸郡豈莊民生子及娠者俱給米咸惠並享
宗子寓蜀者少業儒善譽即郡庠立學以教之人始
感勵引年乞祠歸處一室以圖書自娛無疾而卒年
四十七時淳熙十六年也善譽早失怙恃撫育諸季
備至居官廉靖自將多所著述郭雍朱熹皆取其易
說云

汝述字明可太宗八世孫曾祖士說從二帝北遷臨
河罵敵而死汝述登淳熙十一年進士第調南劍州
順昌尉嘉定六年詔主管官告院自是常兼宰士累
遷將作少監權侍立脩注官八年除起居郎兼密院
都承旨俄遷兵部侍郎以母憂去服闋改刑部侍郎
遷尚書知中江府卒汝述為尉應詔上封事論議懇
惻立朝薦以多知名之士然為時相所親躡躄通顯
人亦以此少之

叔近悼三元孫榮良公克類之子也建炎元年為秀
州守抗卒陳通反詔辛道宗將西兵討之兵潰為亂
抵秀州城下叔近棄城諭以備福亂兵乃去示幾差

權兩浙提刑叔近招通通曉命叔近以素隊數十人入賊城衆猶不解甲叔近置酒推誠待之遂皆感服城中稍定叔近奏通初無叛心止錄葉亭得實不時給遂至紛爭叔近就招請赦其徒二百餘人帝許之臺諫皆言不可遂寢叔近還秀州已而王淵兵至抗詐傳呼云趙秀州來通知迎淵遂謀之初淵在汴京狎娼周氏周氏後歸叔近淵銜之乃誣叔近通賊奪職拘于州以朱帝代之帝肆威虐軍民怨憤小卒徐明率衆囚帝迎叔近領郡事叔近不得辭因撫定之請擇守于朝奏未達朝廷命張俊致討俊淵部曲也

辭行淵謂之曰叔近在彼俊諭意領兵至郡叔近出迎俊叱令置對方操筆群刀遽前斷其右臂叔近呼曰我宗室也俊曰汝既從賊何云宗室語未竟已折首于地徐明等見叔近死遂反戈嬰城縱火驅掠翌日俊斬關人捕明等誅之取周氏歸于淵紹興九年御史言叔近之冤贈集英殿脩撰叔向魏王之系也方汴京破時叔向潛出之京西金人退引衆屯青城入至都堂叱王時雍等速歸政置叔駕義兵其後為部將于渙上變告叔向謀為亂詔劉光世捕誅之

彦俊字安鄉彭城侯叔聚曾孫也父公廣饒州太守
 彦俊初調溧陽尉邑民潘氏兄弟橫邑中號三虎畜
 僮僕數百邑官莫敢誰何彦俊白其守治之縛潘氏
 昆弟正其罪改揚州司戶攝獄掾有告主歲市屢錢
 餘千萬治之急吏泣請死彦俊察其情屏人問則諸
 吏共貸也乃許自首免罪一日而畢改平江府推官
 攝宜興縣縣自中興後預借民明年統民挾此得慢
 其令彦俊請禁預借邑遂易治知臨安於潛縣縣胥
 往往通亭省吏得肆其奸彦俊執其黠者械送府臺
 省吏從中救之彦俊力爭竟抵胥罪浮橋屢以水浸

彦俊梁以石民免溺死陞臨安府通判開禧初知興
 國軍歲旱蝗而軍需益急屬邑令吳格負上供銀尤
 多彦俊坐累貶秩格愧謝彦俊曰屬時多銀宜寬民
 力以宗根本何謝為頃卒據外城為變彦俊募能斬
 捕者賞之既而各斬首以獻散其餘黨黨悉遷湖南運
 判徃人羅孟傳反累歲不能平彦俊謂帥臣曰徃人
 讐殺乃其常情況主斷不平是激之使叛也能遣謀
 者離其黨與俾還自相讐破之易矣帥從其計遂降
 孟傳尋知紹興府楮價輕彦俊權以法民便之復鹿
 鳴禮置興賢莊以資其費築捍海石塘亦置莊以備

四百一十
增築會旱饑民聚陂湖中彥俟取死囚羃首刎足徇
於衆曰此劫羨藕者也遂散其衆乃第民高下損其
稅有差免輸湖籍田米舉緡錢四十萬以助荒政民
賴以濟詔改太府少卿遷顯謨閣知太平州調江西
轉運使嘉定十一年卒于官年六十四

彥孺字文長悼王七世孫祖訓之在忠義傳彥孺登
乾道二年進士第尉樂清會大旱令循故事禱雨而
責租益急彥孺曰損歛已責所以招和氣何禱為已
而果雨累官福建路運幹屬邑負振鹽本錢數千萬
累歲不能償彥孺白其長蠲之慶元初知晉陵縣歲

幾彥孺振恤有方所活幾二十萬又以羨錢為五等
戶代輸擢監登聞檢院時韓侂胄方柄用朝士悉趨
其門彥孺切歎慨出知汀州州民葉姓者孺聚汀贛
間彥孺遣將捕戮之遷廣西提刑諸郡鬻官鹽取息
之六以奉漕司後增至八分彥孺復其舊以蘇民力
朝廷從之彥孺死詔戶部侍郎兼樞密院檢詳士大
夫前與立議者坐此胄黨將併逐之彥孺歎曰士方
以爲學廢今又以兵端下去苟欲錮士何患無名每
見帝必言才難遷湖廣總領舊士卒物故大將不落
其籍而私其月請彥孺置別籍稽核之或傳軍中有

然言彥撫司不樂省老帥耳何損士卒持之三年掛
虛籍者贏三萬額裁錢百萬緡用度以饒比去餘七
百萬而諸路累積總百萬盡蠲之知平江府
郡之昆山並大海山出沒莫可蹤迹彥撫奏分其半
置嘉定縣屯兵以守轉寶謨閣待制卒于官年七十

一
彥逾字德之魏悼王後世簡或公叔寓曾孫也紹興
三十年登第淳熙五年知秀州累遷太府少卿四川
總領將入境利西帥吳玠遣屬吏文丙來迓彥逾見
即喜其人從容問之曰大尉統衆六萬得無虛籍乎

丙以情告彥逾遺挺書俾損虛籍數千以寬四川之
賦挺不敢隱助知鎮江府郡適旱饑彥逾節浮費發
粟振糴民賴以濟遷戶部侍郎工部尚書孝宗崩光
宗疾不能持喪樞密趙汝愚議請立嘉王為皇帝欲
倚殿帥郭杲為用遣一郎將范任告之杲不應時中
外洶洶彥逾見汝愚對泣汝愚密告以翊戴之議彥
逾大喜力贊其決郭杲嘗被誣及逾為白于帝杲德
之遂馳告杲曰彥逾知樞密能謀之耳太尉為國
虎臣當任其責杲亦對及逾急責之杲許諾遂領
兵為衛寧宗即位汝愚謂彥逾曰我輩宗臣不當言

四百一十
功會留正免相以愚登右揆彦逾以端明殿學士出
知建康兼江東安撫使未行政四川安撫制置使兼
知成都府彦逾為政不擾蜀人便安之以定策勳累
遷資政殿大學士兼秦州知州兼沿海制置使嘉
定間乞祠以歸尋卒彦逾始與汝愚協濟大討襄汝
愚引已共政及外除頗缺望不疏當時名臣上之目
為汝愚黨帝曰是汝愚真入蜀皆有聲然吳氏
世守武興兼利西安撫操重權吳挺卒朝廷用丘索
議併利西安撫於東路以革世將之弊而彦逾奏復
利西安撫乃領以武帥其後吳曦因之以生變人以

是各彥逾云

列傳卷第六

廿一

列傳卷第七

宋史二百四十八

開府儀同三司柱國錄軍國軍事尚書左丞相修國史領經筵事都總裁朕等奉

勅修

公主

秦國大長公主

太祖六女

太宗七女

真宗二女

仁宗十三女

英宗四女

徽宗三十四女

孝宗二女

神宗十女

哲宗四女

光宗三女

魏惠獻王一女

寧宗一女

理宗一女

秦國大長公主太祖同母妹也初適米福德福德卒
 太祖即位建隆元年封燕國長公主再適忠武軍節
 度使高懷德賜第興寧坊開寶六年十月薨太祖臨
 哭廢朝五日賜謚恭懿真宗追封大長公主元符三
 年改秦國政和四年改封恭懿大長帝姬有姊一人
 未笄而夭建隆三年追封陳國長公主元符改封荆
 國大長公主政和改封恭獻大長帝姬

太祖六女申國成國永國三公主皆早亡

魏國大長公主開寶三年封昭慶公主下嫁左衛將

軍王承衍賜第景龍門外太宗即位進封鄭國淳化

元年改封秦國真宗至道三年進長公主大中祥符

元年薨賜謚賢肅元符改封魏國大長公主政和改

賢肅大長帝姬

魯國大長公主開寶五年封延慶公主下嫁左衛將

軍石保吉太宗即位進封許國淳化元年改晉國真

宗初進長公主大中祥符二年進大長公主薨賜謚

賢靖元符改封魯國政和改賢肅大長帝姬

陳國大長公主開寶五年封永慶公主下嫁右衛將

軍魏咸信太宗即位進封魏國淳化元年改齊國真

宗初進許國長公主咸平二年薨謚貞惠後改恭惠
景祐三年追封大長公主元符改封陳國政和政賢
惠大長帝姬

太宗七女長滕國公主早亡

徐國大長公主太平興國九年封蔡國下嫁左衛將
軍吳元昶淳化元年改魏國薨謚英惠至道三年追
封燕國長公主景祐三年進大長公主元符改徐國
政和政賢惠大長帝姬

邠國大長公主太平興國七年為尼號員明大師八
年卒至道三年追封曹國長公主景祐三年進大長

公主元符改邠國

楊國大長公主至道三年封宣慈長公主咸平五年
進魯國下嫁左衛將軍柴宗慶賜第普寧坊宗慶禹
錫之孫帝命主以婦禮謁禹錫第歷徙韓魏徐福四
國仁宗立進鄧國大長公主明道二年薨進封晉國
謚和靖元符封揚國政和政賢大長帝姬主性妬
宗慶無子以兄子為後

雍國大長公主至道三年封賢懿長公主咸平六年
下嫁右衛將軍王貽永進封鄭國賜第景德元年
薨謚懿順景祐三年追封大長公主皇祐三年改韓

國徽宗改封雍國政和改懿順大長帝姬

衛國大長公主至道三年封壽昌長公主大中祥符

二年進封陳國改吳國號報慈正覺大師改楚國又

改邠國天禧二年改建國乾興元年封中國大長公

主天聖二年薨賜謚慈明徽宗改衛國政和改慈明

大長帝姬

荆國大長公主幼不好弄未嘗出房闈太宗嘗發寶

藏令諸女擇取之欲以觀其志主獨無所取真宗即

位封萬壽長公主改隨國下嫁駙馬都尉李遵勗舊

制選尚者降其父為兄弟行時遵勗父繼昌亡恙主

因繼昌生日以舅禮謁之帝聞密以燕衣寶帶器幣

助其為壽遵勗賓客皆一時賢士每燕集主必親視

饗饋嘗有盜入主第帝命有司訊捕主請出所逮繫

人以私錢募告者果得真盜法當死復請贖之歷封

越宿鄂冀四國明道元年進魏國初遵勗出守許州

暴得疾主亟欲馳視之左右白須奏得報乃可行主

不待報而往從者裁五六人帝聞遽命內侍督諸縣

邏兵以衛主車其後居夫喪衰麻未嘗去身服除不

復御華麗嘗燕禁中帝親為簪花辭曰自誓不復為

宋史二百四十七

宋史列傳卷七

四

湯

惠

卷

早衰力弱不任步趨非左右之過由是悉得免主善
筆札喜圖史能為歌詩尤善女工之事嘗誡諸子以
忠義自守無恃吾以速悔尤視他子與已出均及病
目帝挾醫診視自后妃以下皆至第候問帝親舐其
目左右皆感泣帝亦悲慟曰先帝伯仲之籍十有四
人今獨存大主奈何嬰斯疾復顧問子孫所欲主曰
豈可以母病邀賞邪賚白金三千兩辭不受帝因謂
從臣曰大主之疾倘可移於朕亦所不避也主雖喪
明平居隱几冲淡自若誠諸子曰汝父遺令柩中無
藏金玉時衣數襲而已吾歿後當亦如是皇祐三年

堯年六十四帝臨奠輟視朝五日追封齊國大長公
主謚獻穆徽宗改封荆國政和改獻穆大長帝姬
真宗二女長惠國公主早亡

昇國大長公主初入道明道二年封衛國長公主號
清虛靈照大師慶曆七年追封魯國謚昭懷徽宗改
封昇國大長公主政和改昭懷大長帝姬

仁宗十三女徐國鄧國鎮國楚國商國會國唐國陳
國豫國九公主皆早亡

周陳國大長公主帝長女也寶元二年封福康嘉祐
二年進封充國主幼懿慧性純孝帝嘗不豫主侍左

右徒跌籲天乞以身代帝隆愛之帝念章懿太后不
及享天下養故擇其兄子李瑋使尚主瑋朴陋與主
積不相能主中夜扣皇城門入訴瑋皇懼自劾諫官
王陶論宮門夜開之繩治護衛御史又共論主第內
臣多不謹帝為熟都監梁懷一輩十餘人後數年不
復協詔出瑋於外主降封沂屏居內廷久之復召瑋
使為駙馬都尉如初英宗立進越國長公主神宗治
平四年進楚國大長公主熙寧三年堯年三十三以
瑋奉主無狀貶陳州輔臣議謚帝以主事仁祖孝命
曰莊孝追封秦國徽宗加周陳國政和改封莊孝明

懿大長帝姬

秦魯國賢穆明懿大長公主仁宗皇帝第十女也母
曰周貴妃嘉祐五年封慶壽進惠國治平四年進魯
國大長公主下嫁吳越忠懿王之曾孫右領軍衛大
將軍錢景臻改韓周燕國徽宗朝進秦魏兩國政和
三年更封令德景行大長帝姬靖康二年諸帝姬北
徙姬以先朝文金人不知留于汴建炎初復公主號
改封秦魯國避地南渡賊張遇掠其家中子愕被害
公主至揚州朝謁復避地之間紹興三年自閩至會
稽請入見因留居焉後徙台州上以公主行尊年高

三百八十一
其敬之每入內見必先揖靖康中戚里例納節至是
公主為其子忱請還舊官上以忱為瀘川節度使仍
詔戚里不得援例久之又為忱請優賜推恩上重違
之加忱開府儀同三司特主有三子愔愔非已所出
故獨厚於忱上戒之曰長主壽考如此乃仁宗皇帝
四十二年深仁厚澤是以鍾慶於長主長主待遇諸
子宜法仁宗用心之均一主感服薨年八十六上輟
朝五日幸其第臨置詔子孫皆進官一等謚曰賢穆
二十九年加謚明懿

充國大長公主帝第十一女也嘉祐六年封永壽進

榮國長公主治平四年進祁國大長公主熙寧九年
改魯國下嫁左領軍大衛將軍曹詩主性儉節於池
臺苑囿一無所增飭十年夏旱曲糞以主生日將盛
具為壽主曰上方損膳撤樂吾何心能安悉屏之元
豐六年薨年二十四追封荆國謚賢懿遷其二子擘
攸皆領團練使徽宗追封充國又改賢懿恭穆大長
帝姬

燕舒國大長公主帝第十二女也嘉祐六年封寶壽
八年進封順國長公主治平四年進冀國大長公主
元豐五年改魏國下嫁開州團練使郭獻卿八年進

三百六十七
楚國徽宗改吳國進吳越國改秦交國政和二年薨
追封燕舒國謚懿穆復改懿穆大長帝姬

英宗四女舒國公主早亡

魏楚國大長公主帝長女嘉祐八年封德寧治平三
年進封徐國下嫁左衛將軍王師約四年進陳國長
公主元豐八年薨追封燕國大長公主謚惠和元祐
四年追封秦國徽宗追封魏國加韓魏國改魏楚國
又改惠和大長帝姬

魏國大長公主帝第二女母曰宣仁聖烈皇后嘉祐
八年封寶安公主神宗立進舒國長公主改蜀國

嫁左衛將軍王詵詵母盧氏在皇主處之近舍日致膳
羞盧病自和湯劑以進帝厚於姊妹故主第池藥服
翫極其華縟主以不得日侍宣仁於寶慈宮居常悒
然間遇早暝帝降損以禱主亦如之曰我奉賜皆出
公上固應同其休戚帝居慈聖光獻皇后喪毀甚主
曰吾與上同體視此亦復何聊立散遣歌舞三十輩
元豐三年病篤主性不如忌王詵以是自恣嘗貶官
至是帝命還詵官以慰主意太后臨問已不省后慟
哭父稍能言自訴必不起相持而泣帝繼至自為診
脉親持粥食之主強為帝盡食賜金帛六千且問所

須但謝復詵官而已明日薨年三十帝未上食即駕
往望第門而哭輟朝五日追封越國謚賢惠後進封
大長公主累改秦荆魏三國主好讀古文章喜筆札
矧恤族黨中外稱賢詵不矜細行至與妾姦王旁妾
數抵戾主薨後乳母誣之帝命窮治杖八妾以配兵
既薨謫詵均州子彥弼生三歲卒

韓魏國大長公主帝第三女與魏國同生始封壽康
公主改祁國衛國下嫁張敦禮進冀國大長公主改
秦越楚國加今封政和三年改賢德懿行帝姬宣和
五年薨

神宗十女楚國鄆國潞國邢國邠國交國六公主皆
早薨

周國長公主帝長女也母曰欽聖憲肅皇后封延禧
公主生而警悟自羈以習嗜宛如成人年十二卒帝
后皆變服哀送追贈燕國元符末改封周國

唐國長公主帝第三女也始封淑壽公主初帝念其
琦功德欲與為婚姻故哲宗緣先帝意以主降琦之
子嘉彥歷封溫曹真雍越燕六國政和元年薨追封
唐國長公主

潭國賢孝長公主帝第四女也母曰宋貴妃始封康

三百五十六个
國紹聖四年下嫁王遇歷韓會陳鄆四國大觀二年
薨追加封謚

徐國長公主帝幼女也母曰欽成皇后始封慶國進
益冀蜀徐四國年及笄猶處聖瑞宮侍母疾晝夜不
暫去藥餌非經手弗以進迨疾革號慟屢絕左右不
忍視崇寧三年下嫁鄭王潘美之曾孫意事姑脩婦
道潘故大族夫黨數千百人賓接皆盡禮無裏外言
志向冲淡服玩不為紛華歲時簡嬉遊十年間惟一
適西池而已再生子不成而死媵妾得女拊視如已
出政和三年改稱柔惠帝姬五年薨年三十一追封

賢靜長帝姬

哲宗四女鄧國揚國二公主早亡

陳國公主始封德康公主進瀛國榮國大觀四年下
嫁石端禮徙陳國改淑和帝姬政和七年薨

秦國康懿長公主帝第三女也始封康懿進嘉國慶

國政和二年改韓國公主出降潘正夫改淑慎帝姬

靖康末與賢德懿行大長公主俱以先朝女留于汴

建炎初復公主號改封吳國親上于越以玉管筆小

玉山奇畫為獻上溫辭卻之避地至婺州紹興四年

入見其子堯卿等五人各進官一等主奏言祖宗以

來駙馬都尉石保吉魏咸信柴宗慶皆除使相今正夫歷事四朝在汴京曾建議迎陛下至杭州又言禁衛未集預宜防變乞除開府上不許八年再入見留宮中三日時極暑上每正衣冠對之飲食又為正夫求恩數上曰官爵豈可私與人况今日多事未暇及此時趙鼎當國方論群臣紹述之奸頗抑正夫鼎去位正夫始得開府之命給事中劉一正言其非懼恐援例者多乃詔哲宗惟正夫為近親餘人毋得援例顯仁太后歸主同秦魯國大長公主迎于道十九年又入朝子長卿粹卿端卿皆自團練使陞觀察使從

所請也孝宗即位進封秦國大長公主隆興二年諡康懿主在日正夫官至少傅封和國公溫卿寧國軍承宣使長卿寧江軍承宣使端卿昭信軍承宣使清卿容州觀察使墨卿才卿並帶團練使其盛如此正夫薨於紹興二十二年贈太傅徽宗三十四女政和三年改公主號為帝姬國號易以美名二字

嘉德帝姬建中靖國元年六月封德慶公主改封嘉福尋改號帝姬再封嘉德下嫁左衛將軍曹夔榮德帝姬初封永慶公主改封榮福尋改號帝姬再

字三百六十八
封榮德下嫁左衛將軍曹晟

順淑帝姬初封順慶公主薨追謚益國及改帝姬號

追封順淑

安德帝姬初封淑慶公主改封安福公主改號帝姬再

封安德下嫁左衛將軍宋邦光

茂德帝姬初封延慶公主改封康福尋改號帝姬再

封茂德下嫁宣和殿待制蔡儵

壽淑帝姬初封壽慶公主薨追封豫國及改帝姬號

追封壽淑

惠淑帝姬初封惠慶公主薨追封鄧國及改帝姬號

追封惠淑

安淑帝姬初封安慶公主改封隆福薨追封蜀國及

改帝姬號追封安淑

崇德帝姬初封和慶公主改封崇福尋改帝姬號下

嫁左衛將軍曹湜再封崇德宣和二年薨

康淑帝姬初封康慶公主改封承福薨追封商國及

改帝姬號追封康淑

榮淑帝姬初封崇慶公主改封懿福薨追封蔡國及

改帝姬號追封榮淑

保淑帝姬初封保慶公主薨追封魯國及改帝姬號

字二百六十八
追封保淑

成德帝姬初封昌福公主改號帝姬再封成德下嫁

向子房

洵德帝姬初封衍國公主改號帝姬尋改封洵德下

嫁田丕

悼穆帝姬初封徽福公主改號帝姬薨追封悼穆

顯德帝姬初封顯福公主改號帝姬尋改封顯德下

嫁劉文彥

熙淑帝姬初封熙福公主薨追封華國及改帝姬追

封熙淑

敦淑帝姬初封壽福公主薨追封涇國及改帝姬追

封敦淑

順德帝姬初封順德公主改號帝姬尋改封順德下

嫁向子辰

柔福帝姬初封柔福公主後改帝姬

申福帝姬初封薨追封冲慧

寧福帝姬政和四年封

保福帝姬追封莊懿

賢福帝姬追封冲懿

仁福帝姬追封順穆

和福帝姬

永福帝姬

惠福帝姬

令福帝姬

華福帝姬

慶福帝姬

儀福帝姬

純福帝姬

恭福帝姬

右三十四帝姬早亡者十四人餘皆北遷蜀

福帝姬生纔周暉金人不知故不行建炎三台

薨封隋國公主安德帝姬有遺女一人後適嗣

秀王伯圭封秦國夫人榮德帝姬至燕京駙馬

曹晟卒改適習古國王紹興中有商人妻易氏

者在劉超軍中見內人言宮禁事遂自稱榮德

帝姬鎮撫使解潛送至行在遣內夫人驗之詐

付大理寺獄成詔杖死又有開封尼李靜善者

內人言其貌似柔福靜善即自稱柔福蘄州兵

馬鈗轄韓世清送至行在遣內侍馮益等驗視

遂封福國長公主適永州防禦使高世榮其後

字三百六十五个
内人從顯仁太后歸言其妾送法寺治之内侍
李悛自北還又言柔福在五國城適徐還而薨
靜善遂伏誅柔福薨在紹興十一年從梓宮來
者以其骨至葬之追封和國長公主

孝宗二女長嘉國公主紹興二十四年封碩人進永
嘉郡主三十二年卒詔以醫官李師克等屬吏孝宗
時居東宮奏臣女幼而多疾不宜罪醫遂寢乾道二
年贈嘉國公主次女生五月而夫未及封
文安郡主光宗長女也次女封和政郡主季女封齊
安郡主皆早卒紹熙元年並追贈公主

安康郡主魏惠獻王女也初封永寧郡主改封通義
以父遺表遂升安康歸殿前司前軍統領羅忠信子
良臣詔王府主管鄧從義諭旨皇女孫郡主宜執婦
道務成肅雍之德毋敢或違賜甲第居之良臣以恩
轉秉義郎除閣門祗候官開禧元年郡主薨年三十
九

祁國公主寧宗女也生六月而薨追封祁國

周漢國公主理宗女也母賈貴妃早薨帝無子

公主生而其甚鍾愛初封瑞國公主改昇國開慶初公
主年及笄詔議選尚宰臣請用唐太宗下降士人故

事欲以進士第一人尚主遂取周震炎廷謝曰公主適從屏內窺見意頗不懌帝微知之景定二年四月帝以揚太后擁立功乃選太后姪孫鎮尚主擢鎮右領軍衛將軍駙馬都統進封公主為周國公主帝欲時時見之乃為主起第嘉會門飛樓閣道密邇官苑帝常御小輦從官人過公主第特賜董役官減三年磨勘工匠犒賞有差明年進封周漢國公主拜鎮慶遠軍承宣使鎮宗族娣姒皆推官加封寵異甚渥七月主病有鳥九首大如箕集主家搗衣石上是夕薨年二十二無子帝哭之甚哀謚端孝鎮官節度使云

列傳卷第七

十三
朱
各
刊



